

ይሁዳ ትቴና እርድንታ

ይሁዳ ትቴና ጸፍሞሳንደረ እመን ማታከክዶቆ እመንድባብከሰም ካምሶ ካርካ ኤሰሰንም ኤሰሳኦንግድባብ ኤድንከዘንካ ክርሰቶሳር ማቕባብከሰም ኤግዘምሰካንቲ። ኮትኮ ኬዘንታ እምንተነረ ቃሰትምሰ ጴጥሮሰታ ክቴንም ካምድንደትካ ኮትኮ ጩድ ክቴናር ኖ ጸፍና “እናካርንካ ጉጅምዳክንጎግካ ሳብ ይንታ ዋርሰንካንታ ዋልቃዲት ክት እምሳን እመንን ዳቅሶ ኬት ካርዘድንግንዳ” ናበብድባብከሰም ዳቅሰሶ ገቀርሰዘዴ።

ማጻፍን ኮትኮታ ሙዳ የድንቴና

እርድንታ (1-2)

ካርካ ኤሰሰንባብከሰታ ኤሰሰና፡ ከታ እዘንኬ ኬታ ዋቕንተንካ (3-16)

እመንንም ኬት ካርሰተርንግንዳ እምምሳን ዞራ (17-23)

እንጃ (24-25)

¹ የሱሰ ክርሰቶሰታ ፍክሰንባብኬ ያይቆብታ እሰመን ማቕባብ ይሁደዘንካ፡

ሳብ ባቤንካ የ ሶልምምሰባብካንተኬ፡ የሱሰ ክርሰቶሰካ ኤልምሶ የ ካርሰምሰባብ ሙድንካንታ፡

² ሳብታ እጭርና፡ ሳራትቼንኬ ሶልመና የካንታ በዳ።

ካርካ ኤሰሰንባብከሰታ ፍርደና

³ እሰታ ገርንንከሶ! የካ ዎንታ ፋጭንተንጎካ የካንታ ጸፍካንታ በድ ዝግትትዶቆ፡ ታ ማቼ እናካርንካ ዝግዘዳክንጎግካ ሳብ ዋርሰንካንታ ዋልቃዲት እምሳን እመንንጎካ ዳቅሶ የ ጉርተርንግንዳ ዞራካንታ እ ጸብድንግንዳ የካንታ ነጋይንዳ ማቼ።

⁴ ፍርድምካንታ ማቕባብከሰ በድ ሰጩታ እሪ ከትጎካ ጸፍምሰባብ ዋልቃ ዋልቃ ኤድንከሰ የንደር ላጵሶ አርተኬ፡ ኬታ ዎንታ ጮይሰንታ ዉቕ እምንተን ቱና ማሰሶ ኦንግድባብከሰ ሳብም ጎይንዳክባብከሰኬ፡ ኖ ይንት ዎም ቆልድባብከ ዎንታ ጮይሰ ማቕባብ የሱሰ ክርሰቶሰም ካደኬ።

5 ኮም ሙዳ እሪምስቶ ዋልቃዲት የኤዘድንዳ ማችንከረ ዋራ ጮይስ ዋርስንም ግብጽ ፍጨናርንካ ወችሶ ክት እቅሳንግንደኬ ኮታ ቡረረ እመናክባብከስም ካይሳንደትም የም ገቀርሳካንታ ሶልምድቲ።

6 ኮትኮግንደረ ኬታ ይንታ ገችታ ኤረን ካርሰክሳ ካርን ይንታ ዛቅሰባብ ክታይንችንከሰም ገቀርከቲ፥ ከትም ሳብ በእንታ ፍርዳ ሰጨና የልተርን የለልታ ሰለንክንደታ ዞክነናርኬ ኡም ግልድድናር ከትም ዎቲ።

7 ኮግንደካ ሰደመኬ ገሞረካ ኬታ ካንተካ ዶቅድን ካተመንከሰረ ቤልምድባብከስ ማቸኬ፥ ሳብ ፍዛን መጠንዘንካ ዐክጎግካ ቤልምሰኬ። ኮካንታ ከታ ሰለንክንደታ ፍሄናር አተርድባብከስታ ካምሰ ማተኬ።

8 ኮትኮግንደረ ኬና ኤድንከሰ ይንታ ዐመርንካ ጎርሰመረኮ ከታ ይንታ ዋሄንም ቲና ማዘደኬ፥ ገችታ ኤሪ ዶቅድባብከሰመረ ግርደኬ፥ ጭላር ቦንቻ ኬታ ዶቅድባብከሰመረ የግደኬ።

9 ክታይንችን ክድባብ ምካኤል ዋራ ሙሴታ ለይሰንጎካ ዱብሎሰካ ክክን ቤርምሳንደትዐይካ “ጮይስ የሰም ዋጫ” ክትም ጋይሳዳት የካክዬ።

10 ኬና ኤድንከሰ ማቹ ገቀርት ተይ ከትም ጋምሳንደት ሪ ሙደን የግደኬ፥ ማክቻ ካየን መሄንከሰግንዳ ፍዝርምሳን እንግርን ከት ኤዘድሪ ዶቅሰንከረ ዋራ ኮትካ ካይደኬ።

11 ቃኤልታ ጎግካ ከት እይሳንካንታ፥ ብራካንታ ጋይሰኮ ባለአመታ ኮትርናር ከት ዋቻንካንታ፥ ቆረረ ግርዳንግንዳ ከተረ ኬታ ግርንተንካ ከት ካይዳንካንታ ከትም የኤ!

12 ኬና ኤድንከሰ ኦሰናካይሳ ኦኬረኮ ዋልቃትቹካ ዎሰዘን ዐፈርደኮ ጎሀ የካንታ ማደኬ፥ ከት ገቀርድንዳ ይንታ ማታካንታ ዐክዬ፥ ዘገካ ዐንቅምድንግንዳ፥ ደብ ካየን ኤፓግንደኬ። እፍ ኤዘድን እርፍካ ዋራ እፍ ዐፈርዳክንግንዳ፥ ጫጭናርንካ ቡጭምሳንግንደኬ ቃሰቲን ዱት ደእሳን ዐቀንግንደኬ።

13 ኦሰንዘድን ከታ ይንታ ፍክሰንታ ዱብንም ጫይድባብከሰ፥ ባሀርንታዘን እንድር ዞገንከሰግንደኬ፥ ግልድድ ኡምና ሰለንክንደታ ከትም ካርዘድንግንደኬ፥ ጋፋኦንግድን ቤዘንከሰግንደኬ።

1:5 ዉት. 12:51፤ 4ይ. 14:29-30። 1:7 ፍዝ. 19:1-24። 1:9 ዳን. 10:13፥21፤ 12:1፤ ለም. 12:7፤ ካፊ. 34:6፤ ዘካ. 3:2። 1:11 ፍዝ. 4:3-8፤ 4ይ. 22:1-35፤ 16:1-35።

14 እዳምዘንካ የድሶ ታብሰ አጥር ማቸባብ ሄኖክ ኬዝድዮ “ይና ሳብ ፋይጅንካ በእዳክን ጭል ክታይንችንከሰካ ክክን ማትሶ ሙደንታዘነረ ፋረድካንታ ዐዴ፤

15 ኬትኬና ሳብም ጎይንዳክን ኤድንከሰም ከት ይሳን ዳቅልሪንከሰካ ከትም ሰርዴ፤ ሳበረ ይንታ ዶፈንካ ከትኬ ክትም ጎይንዳክባብ ጎመንባብከዘን ከት ኬዛን ዳቅል ሪንከሰ ሙደንታ ኬታዘን ፋረተሬ” ኩን ጋይቲ።

16 ኬና ኤድንከሰ ሙዳዐይካ ጉንድምድባብኬ ዐራርከረ ጉርምዳክባብከሰኬ፤ ኬታ ይንታ ማታ ዳቅል እንግርንም ጎርሰምድባብከሰኬ፤ እፈና ኬታ ኦትረካ ጮጫንዴ፤ ኬታ ይንታ ማታካንታ መይድንደትም ዝግመትካ ኤድም ገሰዝደኬ።

ኤግዝምሰኬ ዞረካ

17 የታ ማቼ እስታ ገርንከሶ! ዋንታ ጮይሰን የሱሰ ክርሰቶስታ ኦይትምሰባብከሰ ኮታ ኤና እሪ ከት ኬዛንደትም ገቀርከቲ።

18 ኬተረ “በእንታ ሰለናር ሳብታ ጋይተንዘንካ ጎተርሰባብከሰ፤ ኬታ ይንታ ገታ ዳቅል እንግርንም ጎርሰምድባብከሰኬ ሳገቸካ ኬዝድባብከሰ ዐተረኬ” የንደር ጋይታዶቆ።

19 ኬታ ኤድም ፋዝድባብ፤ ይንታ ዋሂታ እንግርንም ጎርሰምድባብከሰኬ እያን ጭልና ኬታር ካየን ኤድንከሰኬ።

20 የታ እስታ ገርንከሶ፤ ሙደንዘንካ ሰግ ሳብካንታ ፋሰምሳን የንታ አመንካ የንታ ማተንም ጭልሰካንታ ጉርከቲ፤ እያን ጭልንተረ ዋልቀካ ምክሰከቲ።

21 ዋንታ ጮይሰና የሱሰ ክርሰቶስረ ይንታ አጭርንካ ሰለንክንደታ ዶቅንትናር የም የልዝድንግንዳ ካርሰምካ የንታ ማተን ሳብታ ሰልመናር ካርሰከቲ።

22 ዐኤርድን ኤድንከሰካንታ አጨርድባብ ማትከቲ፤

23 ዋልቃ ዋልቀንከሰም ኖሀርንካ ወቸተቶ ከትም አቅሰከቲ፤ አብንከሰካንታ ጳሰካ አጨርከቲ፤ ማቸንከረ ጎመካ ቱና ማቻን ኬታ ዘንን ዋልሳን አፍላ ዋራ ነጋክናና ሶሰከቲ።

ጋለት ምክሰ

24 የ ዋጅዳክንግንዳ ማሰካንተኬ ይንኤርዝድ ሪካየንባብከሰ ማሰሶ ጉርምካ ይንታ ቦንቹንታ እሪ የም ዋይሰካንታ ማድባብካንታ፤

25 ኖ ይንት ዋንታ ኤል ማቕባብ ሳብን፥ ዋንታ ጮይሰን የሱሰ ክርስቶስንካ ኤና እሪንደትዘንካ የድሶ፥ ታየረ፥ ሰለንክንደተረ ሶንቹኬ መና፥ ዋልቀኬ ገብታ ኤረነረ ክትካንታ ማታ! አምንኤ።

ክል ጫቃ

Gayil: ክል ጫቃ (New Testament) of Ethiopia

copyright © 2025 The Word for the World International

Language: (Gayil)

Contributor: The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-03

PDF generated using Haiola and XeLaTeX on 2 May 2025 from source files dated 3 May 2025

52399b1c-c3b9-53d2-bee1-22d94d5aa3ab